

Таълим ва фан ходимлари касаба уюшмаси Республика кенгаши хорижий мамлакатлардаги турдош ҳамда халқаро ташкилотлар билан ҳамкорлик алоқаларини янада ривожлантириш ва мустақамлашга алоҳида эътибор қаратмоқда.

Халқаро ҳамкорлик

Таълим касаба уюшмалари:

**ЕВРОПА  
ТАЖРИБАСИ  
ЎЗБЕКИСТОНДА**



Хусусан, жорий йилнинг 11 сентябрь куни Халқаро таълим касаба уюшмалари Европа қўмитаси директори Сюзан Флокен ҳамда координатори Екатерина Ефименко Халқаро меҳнат ташкилоти (МОТ)нинг 2024 йилдаги қўмита йўналишига маълумот тайёрлаш ҳамда Таълим ва фан ходимлари касаба уюшмаси фаолияти билан танишиш мақсадида мамлакатимизга ташриф буюрди.

Ташриф асноси меҳмонлар Таълим ва фан ходимлари касаба уюшмаси Республика кенгаши аппарати, тармоқ касаба уюшмасининг ҳудудлардаги ходимлари ва фаоллари билан учрашув ўтказди. Унда Халқаро таълим касаба уюшмалари Европа қўмитаси (ETUCE) директори Сюзан Флокен таълимга оид долзарб муаммоларни ҳал қилишда касаба уюшмаси олдида турган вазифалар ва бу бўйича Европа тажрибаси ҳақида сўзлаб берди.

Меҳмонлар, шунингдек, Учтепа туманидаги 340-мактабга таълим муассасаси ҳамда Юнусобод туманидаги 96-умумтаълим мактабда бошланғич касаба уюшма ташкилотининг фаолияти билан яқиндан танишиб, Олий таълим, фан ва инновациялар ҳамда Мактабгача ва мактаб таълими вазирлиги раҳбарияти билан мулоқот ўтказди.

Сафар асноси мамлакатингизда сўнгги йилларда ижтимоий-иқтисодий соҳаларда амалга оширилаётган ислохотларга гувоҳ бўлдим. Инсон қадрини улуғлаш, хотин-қизлар ҳимоясини мустақамлаш, замонавий тиббиётни жорий этиш, хуллас, барча соҳаларда сезиларли ўзгаришлар бўлибди. Айниқса, таълим соҳасида рўй бераётган ислохотларни эътироф этиш жоиз, – деди мулоқот чоғида Европа қўмитаси (ETUCE) директори Сюзан Флокен.

Ташриф давомиди меҳмонлар Самарқанд ва Бухоро вилоятида ҳам бўлиб қайтишди. Хусусан, Бухорога уюштирилган сафари мобайнида Бухоро шаҳар 23-ихтисослаштирилган давлат умумтаълим мактаби ва Бухоро давлат университети фаолияти билан танишди.

**Маълумот ўрнида:** Европа таълим касаба уюшмалари қўмитаси 51 мамлакатда 132 та таълим ходимлари касаба уюшмаларини бирлаштирувчи Федерация ҳисобланади. Федерациянинг Европа ва Марказий Осиёда 11 миллионга яқин аъзоси бор.

Қўмита, шунингдек, ўқитувчилар манфаатини Европа комиссияси ва бошқа Европа тузилмалари олдида ҳимоя қилувчи тузилма ҳамдир. Айни вақтда Европа таълим касаба уюшмалари қўмитаси Европада халқаро таълимнинг минтақавий тузилмаси ҳисобланади.

2017 йилнинг май ойидан бошлаб, мамлакатимиз Европа таълим касаба уюшмалари қўмитасининг тўлиқ ҳуқуқли аъзоси саналади.

Аҳмаджон МАЪМУРОВ



2023-йил  
16-сентябр  
shanba  
№ 115  
(4867)

# Ishonch

Yurt taraqqiyoti yo'lida birlashaylik!

O'zbekiston kasaba uyushmalari Federatsiyasi nashri • Gazeta 1991-yil 21-martdan chiqa boshlagan

Олтин куз  
саховати

Хатирчи туманидаги Қорача қишлоғида яшовчи узумчилар оиласи (Элбек Асадов ва Хайринисо Шукуровалар)нинг бу йилги ҳосилдан кўнгиллари қувончга тўлган. Улар 50 сотихли узум боғларида 6 хил узум етиштиради. Жумладан, қора кишмиш, хусайни, қароли, ош майиз, ризамат, келин бармоқ навлари. Асадовлар оиласининг бу йилги ҳосили 1 тоннага етди.



## Ўзумини енгү боғини ҳам суриштиринг

Эъзога УМУРЗОҚОВА олган суратлар

### Диққат, танлов!

ХОТИН-ҚИЗЛАР МУАММОЛАРИНИ ТИЗИМЛИ РАВИШДА ҲАЛ ЭТИШ, УЛАРНИ ИЖТИМОЙ ҚЎЛЛАБ-ҚУВВATЛАШ БЎЙИЧА РЕСПУБЛИКА КОМИССИЯСИ ҚЎЙИДАГИ ТАНЛОВЛАРНИ ЭЪЛОН ҚИЛАДИ:

**«ЭНГ ЯХШИ СЕКТОР РАҲБАРИ», «ЭНГ ЯХШИ МАҲАЛЛА РАИСИ», «ЭНГ ЯХШИ ҲОКИМ ЁРДАМЧИСИ», «ЭНГ ЯХШИ ЁШЛАР ЕТАКЧИСИ», «ЭНГ ЯХШИ ХОТИН-ҚИЗЛАР ФАОЛИ», «ЭНГ ЯХШИ ПРОФИЛАКТИКА ИНСПЕКТОРИ» РЕСПУБЛИКА ТАНЛОВЛАРИ**

#### АСОСИЙ МАҚСАДИ

Мамлакатимизда «Аёллар дафтари» тизими бўйича олиб борилаётган ишлар самардорлигини янада ошириш, маҳаллаларда ишсизлик ва жиноятчиликни бартараф этиш, ижтимоий ҳимояга муҳтож аҳоли вакиллари турмуш фаровонлигини юксалтириш борасида хизмат вазифаларини намунали равишда бажараётган ҳамда аёллар муаммоларини ҳал этишда ўзининг фидокорона меҳнати билан ўрнатилган келаётган масъулларни муносиб рағбатлантириш.

#### ШАРТЛАРИ

Танловда иштирок этишни истаган талабгорлар қўйидаги ҳужжатларни тақдим этади:  
– ҳудудий Ташкилий қўмита номига иштирокчи томонидан имзоланган ариза;  
– иштирокчи тўғрисида маълумотнома ва шахсини тасдиқловчи ҳужжат нусхаси;

– 1 донга 10x15 ўлчамдаги ва 2 донга 3,5x4,5 ўлчамдаги фотосурат (шунингдек, электрон шаклда);  
– талабгорлар фаолияти бўйича таҳлилий ва статистик маълумотнома ҳамда фотоальбом ва видеоролик;  
– тавсифнома (тегишли сектор раҳбари томонидан имзоланган);  
– баҳолаш мезонидаги кўрсаткичларни тасдиқловчи ҳужжатлар;  
– 2021-2022 йилларда ўтказилган танловларнинг Республика финал босқичида 1-, 2- ва 3-ўринни эгаллаган сектор раҳбарлари, маҳалла фуқаролар йиғини раислари, ҳоким ёрдамчилари, ёшлар етакчилари ва хотин-қизлар фаоллари бу йилги танловларда иштирок этмайд.

#### ЎТҚАЗИШ МУДДАТЛАРИ

«Энг яхши маҳалла раиси», «Энг яхши ҳоким ёрдамчиси», «Энг яхши ёшлар етакчиси», «Энг яхши хотин-қизлар фаоли», «Энг яхши профилактика инспектори» Республика танловларида иштирок этиш истагини билдирган талабгорлар туман (шаҳар) Ташкилий қўмитасига эълон матбуотда чоп этилган, беш кун муддатда қайд этилган ҳужжатларни тақдим этиши лозим.

#### МАЗКУР ТАНЛОВЛАР ҚЎЙИДАГИ БОСҚИЧЛАРДА ЎТҚАЗИЛАДИ

**I босқич – туман (шаҳар) босқичи:** 2023 йилнинг 1 октябр кунига қадар;  
**II босқич – ҳудудий босқич:** 2023 йилнинг 1 октябрдан 15 октябр кунига қадар;  
**III босқич – Республика финал босқичи:** 2023 йилнинг 16 октябрдан 1 ноябр кунига қадар.

#### ШУНИНГДЕК, «ЭНГ ЯХШИ СЕКТОР РАҲБАРИ» ТАНЛОВИ ҚЎЙИДАГИ БОСҚИЧЛАРДА ТАШКИЛ ЭТИЛАДИ

**I босқич – ҳудудий босқич:** 2023 йил 15 октябр кунига қадар;  
**II босқич – Республика финал босқичи:** 2023 йил 16 октябрдан 1 ноябр кунига қадар.

#### ҒОЛИБЛАРНИ ТАҚДИРЛАШ

ТАНЛОВЛАРНИНГ РЕСПУБЛИКА-ФИНАЛ БОСҚИЧИ ҒОЛИБЛАРИГА «ПРЕЗИДЕНТ СОВҒАСИ» ТАРИҚАСИДА:

1-ўрин соҳибига – диплом ва «Жентра» автомобили;



2-ўрин соҳибига – диплом ва «Кобальт» автомобили;



3-ўрин соҳибига – диплом ва «Дамас» автомобили.



#### МАХСУС МУКОФОТЛАР ТАҚДИМ ЭТИЛАДИ

Шунингдек, танловларнинг Республика финал босқичида қатнашган қолган иштирокчилар

**30 000 000**  
(ўттиз миллион) сўмдан

пул маблағлари билан рағбатлантирилади.

БАРЧА ТАНЛОВЛАРНИНГ РЕСПУБЛИКА ФИНАЛ БОСҚИЧИ ҒОЛИБЛАРИ 2023 ЙИЛ 11 НОЯБРЬ – ЎЗБЕКИСТОН КАСАБА УЮШМАЛАРИ КУНИДА ЭЪЛОН ҚИЛИНАДИ ВА ТАҚДИРЛАНАДИ.

ҚЎШИМЧА МАЪЛУМОТЛАР УЧУН ЎЗБЕКИСТОН КАСАБА УЮШМАЛАРИ ФЕДЕРАЦИЯСИНИНГ ҚОРАҚАЛПОҒИСТОН, ВИЛОЯТЛАР ВА ТОШКЕНТ ШАҲАР КЕНГАШЛАРИГА МУРОЖААТ ҚИЛИШИНГИЗ МУМКИН. ТАНЛОВЛАР ҲАҚИДА БАТАФСИЛ МАЪЛУМОТЛАРНИ

71-256-54-86;  
93-742-64-00.

телефон рақамлари орқали олишнинг мумкин.







